

Naalakkersuisut siulittaasuat

Landsstyreformanden



Hr. landstingsmedlem Esmar Bergstrøm  
c/o Landstingets Bureau  
Her

**Esmar Bergstrøm, 2008-55 - svar Familieretlige lovg-GL§ 36, imm. 1 naapertorlugu siusinnerusukkut apeqqutaasimasut inatsisartuni aalajangiiffigisassat piviusunngortinneqarsimannigitsut malitseqartinneqarnissaat pillugu apeqqut.**

§ 36, imm. 1 naapertorlugu siusinnerusukkut apeqqutigisimasavit malitseqartinneqarnissaat pillugu apeqquteqarsimavutit makkuninnga :

**Apeqqut 1:**

*§ 36 imm. 1 apeqqutiga apeqqut 2008-3 akissuteqarfigineqarmat neriorsuutaavoq takussutissiaq 2008-mi februari qiteqqutsinnagu nassiunneqassasoq. Naalakkersuisut qularnangitsumik puigornikkut takussutissiaq kissaatigineqartoq suli nassiussimanninnamikku inussiarnersumik qinnutigissavara kingusinnerpaamik matumani apeqqutinut akissutit ilanngullugit.*

**Apeqqut 2:**

*Takussutissiaq naatsorsuutigisatut inaarsarneqarsimannigippat  
ilisimatitsissutigeqquneqarpoq qanga takussutissiaq suliaralugu  
aallartinneqarsimanersoq, maannakkumiit qaqugu  
inaarneqassangatinneqarnersoq, aamma suliaralugu sooq suli  
inaarneqarsimanninnersoq.*

**Akissut 1+2:**

Apeqqutinut taakkununga akissutitut innersuutigineqassaaq inatsisartunut ilaasortamut Esmar Bergstrøm allakkat 30. maj 2008-meersut, takussutissiaq neriorsuutigineqarsimasooq taakkunuuna nassiunneqarmat.

**Apeqqut 3:**

*Naalakkersuisut isumaqarpat Naalakkersuisut namminneq suliaannut iluaqutaassanersoq, Naalakkersuisut Inatsisartunit peqquneqarneranni Naalakkersuisut suliassanut peqqussutigineqartunut pitsaaneruseqarsimasooq takussutissaqaralarunik ?*

**Akissut 3:**

Aalajangiiffigisassatut siunnersuutit akuersissutigineqarnerisigut suliniutit Inatsisartut Naalakkersuisunit aallartinneqaaqusaasa aallartinneqarnissaat Naalakkersuisunut ilaasortat ataasiakkaat naalakkersuisooqarfillu suliassaraat.

6. juni 2008  
Sags nr.  
2008-008847  
Dok. nr. 64342  
Postboks 1015  
3900 Nuuk  
Oq/tel +299 34 50 00  
Fax +299 32 50 02  
govsec@gh.gl  
www.nanoq.gl

Naalakkersuisut naliliineraat takussutissiap suliarineqarsimasup ilaatigut takutikkaa aalajangiiffigisassatut siunnersuutit akuersissutigineqarsimasut Naalakkersuisunit aamma naalakkersuisunut ilaasortanit ataasiakkaanit taakkulu allaffissornikkut immikkoortuinit malitseqartinneqartatut.

Aalajangiinernut Inatsisartunit aalajangiiffigineqartunut qitiusumik ataatsimoorussamillu nalunaarsuisalernerup malitseqartitsisalernerullu pitsaaqutitaqarsinnaanerit Naalakkersuisut assortorniannigilaat. Taamaakkaluartoq qitiusumik pingaarnertullu malitseqartitsisarnerup suliassanik immikkoortortat akisussaaffigisaannik immikkoortortat namminneq malitseqartitsinerat taarsersinnaanngilaa. Taamaattumik qitiusumik nalunaarsuilernerup kingunerissavaa marloqiusamik ingerlatsilerneq kingornatigut aningaasanik sulisunillu immikkut atuinerulerneq. Taamatullu atuinerulerneq malitseqartitsisarnerup taamaattup atulerneqarsinnaaneratigut imaaliillaannaq illuatungilerneqarsinnaanngilaq.

**Apeqqut 4:**

*"§ 36, imm. 1 apeqqutiga apeqqut 2006-63 innersuussutigalugu, Naalakkersuisut Naalagaaffimmi Oqartussaasullu saaffiginnippat? Taamaattoqarpit Naalagaaffimmi Oqartussat akissutaata nuutinnerata tunniunneqarnissaa kissaatiginarpoq. Kissaatiginarportaaq nalunaarutigineqassasoq taaneqartumi inatsisissatut siunnersuut pineqartoq "piviusorsiortumik" naleqqunnerpaamillu qaqugu saqqummiunneqarsinnaasutut Naalakkersuisut isumaqarfigineraat."*

**Akissut 4:**

Kalaallit Nunaanni ilaqtariinnut tunngassuteqartuni inatsisiliat naleqqussarneqarnissaat Inatsisartut UPA/2003-mi tunngaviatigut taperserpaat. Tassunga atatillugu Namminersornerullutik Oqartussat danskit naalagaaffianni oqartussaasut qinnuigaat ilaqtariinnut tunngassuteqartuni inatsisiliat atuutsinneqartalernissaannut peqqussutissamut missingiut suliareqqullugu.

2006-imi Ilaqtariinnermut pisorta qarfiup inatsisilerinnermut immikkoortortaata naalagaaffimmi oqartussaasut qinnuigai naleqqussaannerup killiffia pillugu Namminersornerullutik Oqartussat ilisimateqqullugit.

Allakkatigut 13. februar 2007-imeersutigut Ilaqtariinnut tunngasuni Aqutsisoqarfik allappoq Inatsisit atortinneqarnerannut ministeriaqarfik suleqatigalugu naleqqussaanissap piffissamut pilersaarusionera 2002-meersoq iluarsaatilerlugu.

./. Ilaqtariinnut tunngasuni Aqutsisoqarfiup allagaata nuutinnera ilanngunekarpoq.

Ilaqtariinnut tunngasuni Aqutsisoqarfiup april 2007 nassiuppai inatsisinut Kalaallit Nunaanni atuutsinneqalersussatut siunnersuutigineqartunut allattorsimaffik kiisalu inatsisit saqqummiunneqarfissaannut pilersaarut. Ilaqtariinnulli tunngasuni inatsisit Kalaallit Nunaanni atuutsinneqalersussatut siunnersuutigineqartut ilarpassui imaaliillaannarlutik Kalaallit Nunaanni atuutsinneqalersinnaanngillat inatsisiliani

allani allannguutissat aalajangiisuusussammata. Tassunga tunngatillugu Ilaqutarinnut tunngasuni Aqutsisoqarfik allappoq imaattunik:

*"Inatsisiliat qulaani taaneqartut atortuulersinneqarnissaanni pingaarnertut tunngavissaatitaapput Kalaallit Nunaanni eqqartuussisarneq pillugu inatsisip aamma Kalaallit Nunaanni pinerluttunik eqqartuussisarneq pillugu inatsisip allanngortinneqarnissaat. Aammattaaq pisariaqarsinnaavoq inatsisit allat allanngortinneqarnissaat. Kiisalu inatsisit immikkoortut ilaanni imminnut attuumassuteqarput ataatsikkut atortuulersinneqarnissaat pitsaanerpaassalluni. Taamaattumik ilaqtariinnut tunngasuni Kalaallit Nunaanni inatsisiliat naleqqussarneqarnissaannut pisariaqartinneqartut allannguutissat tamaasa pillugit inatsisissatut siunnersuutip suliarineqarnissaa pilersaarutaavoq. Siunnersuut taanna aatsaat saqqummiunneqarumaarpoq Kalaallit Nunaanni eqqartuussiveqarnerup iluarsaanneqarnera pillugu inatsit akuersissutigineqareerpat. Tassunga atatillugu inatsisit ataasiakkaat qaqugukkut atortuulersinneqarnissaannut pilersaarut suliarineqarumaarpoq. Aallaaviatigut imaassaaq inatsisit atortuulersinneqassallutik eqqartuussiveqarnerup iluarsaanneqarneranut peqatigitillugu."*

Kalaallit Nunaanni eqqartuussisarneq aamma pinerluttunik eqqartuussisarneq pillugu inatsisinut nutaanut siunnersuutit Folketingimit april 2008-mi akuersissutigineqarput 1. januar 2010 atortuulersussatut. Naalakkersuisut siulittaasuata Naalakkersuisoqarfia Ilaqtariinnermut tunngasuni Aqutsisoqarfimmut saaffiginnissimavoq inatsisissatut siunnersuutit Namminersornerullutik Oqartussanit oqaaseqaateqarfigisassanngorlugit qaqugukkut nassiunneqarnissaat naatsorsuutigineqarsinnaanersoq tusarniarlugu.

Inussiarnersumik inuulluaqqusillunga  
Med venlig hilsen

Hans Enoksen